



Қылмыстық жазаны және қылмыстық-құқықтық ықпал етудің өзге де шараларын атқаратын мекемелердің қызметіне жәрдемдесу жөніндегі, сондай-ақ қылмыстық жазасын өтеген адамдарға әлеуметтік және өзге де көмекті ұйымдастыру жөніндегі консультативтік-кеңесші орган туралы үлгі ережені бекіту туралы

Күшін жойған

Қазақстан Республикасы Үкіметінің 2005 жылғы 3 қазандағы N 988 Қаулысы. Күші жойылды - Қазақстан Республикасы Үкіметінің 2012 жылғы 8 маусымдағы № 766 Қаулысымен

Ескерту. Күші жойылды - ҚР Үкіметінің 2012.06.08 № 766 Қаулысымен.

"Әділет органдары туралы" Қазақстан Республикасының 2002 жылғы 18 наурыздағы Заңының 12-бабына сәйкес Қазақстан Республикасының Үкіметі **ҚАУЛЫ ЕТЕДІ:**

1. Қоса беріліп отырған Қылмыстық жазаны және қылмыстық-құқықтық ықпал етудің өзге де шараларын атқаратын мекемелердің қызметіне жәрдемдесу жөніндегі, сондай-ақ қылмыстық жазасын өтеген адамдарға әлеуметтік және өзге де көмекті ұйымдастыру жөніндегі консультативтік-кеңесші орган туралы үлгі ереже бекітілсін.

2. Осы қаулы қол қойылған күнінен бастап қолданысқа енгізіледі және жариялануға тиіс.

Қазақстан Республикасының

Премьер-Министрі

Қазақстан Республикасы

Үкіметінің

2005 жылғы 3 қазандағы

N 988 қаулысымен

бекітілген

Қылмыстық жазаны және қылмыстық-құқықтық ықпал етудің өзге де шараларын атқаратын мекемелердің қызметіне жәрдемдесу жөніндегі, сондай-ақ қылмыстық жазасын өтеген адамдарға әлеуметтік және өзге де көмекті ұйымдастыру жөніндегі консультативтік-кеңесші орган туралы үлгі ереже

1. Жалпы ережелер

1. Осы Ереже "Әділет органдары туралы" Қазақстан Республикасы Заңының 12-бабына сәйкес Қазақстан Республикасы облысының (республикалық маңызы бар қаланың, астананың), ауданының (облыстық маңызы бар қаланың) жергілікті атқарушы органдарының жанынан құрылатын консультативтік-кеңесші органның (бұдан әрі - консультативтік-кеңесші орган) мәртебесі мен өкілеттіктерін айқындайды.

2. Консультативтік-кеңесші орган қылмыстық жазасын өтеген адамдарға әлеуметтік және өзге де көмек көрсету, оларды оңалту мәселелері жөнінде, сондай-ақ Қазақстан Республикасы жергілікті атқарушы органдарының құзыретіне жатқызылған қылмыстық-атқару жүйесінің органдары мен мекемелері қызметінің мәселелері жөнінде ұсыныстар әзірлеу үшін құрылады.

2. Консультативтік-кеңесші органның міндеттері

3. Консультативтік-кеңесші органның негізгі міндеттері мыналар жөнінде ұсыныстар әзірлеу болып табылады:

қылмыстық жазаны және қылмыстық-құқықтық ықпал етудің өзге де шараларын атқаратын қылмыстық-атқару жүйесі мекемелері мен бөлімшелерінің қызметіне жәрдем көрсету;

заңнамаға сәйкес қылмыстық-атқару жүйесі кәсіпорындарында тауарларды (жұмыстарды, қызметтерді) сатып алуға тапсырыстар орналастыру;

сотталғандардың еңбегін, оның ішінде бас бостандығынан айыру түрінде қылмыстық жазасын өтеуші адамдарды жұмыспен қамтамасыз ету мақсатында коммуналдық қызметтер мен кәсіпорындардың мұқтаждары үшін түзеу мекемелері жанындағы өндірісті дамытуды ұйымдастыру;

заңнамаға сәйкес сотталғандарды еңбекте пайдалану жолымен қылмыстық-атқару жүйесі мекемелері мен кәсіпорындарын өңірлік және жергілікті маңызы бар проблемаларды шешуге тарту;

бас бостандығынан айыруға сотталғандармен тәрбие жұмысын ұйымдастыру;

қайырымдылық концерттер, кездесулер, лекциялар, сотталғандарға заңгерлік консультациялар мен өзге де құқықтық көмек, спорттық, ағарту және мәдени іс-шараларды ұйымдастыруға, мекемелердің кітапхана қорларын толықтыруға жәрдем көрсету;

заңнамаға сәйкес өзге де мәселелер.

4. Облыстың (республикалық маңызы бар қаланың, астананың) жергілікті атқарушы органдары жанындағы консультативтік-кеңесші органның міндеттеріне, сондай-ақ мыналар жөніндегі ұсыныстарды қарау жатады:

қылмыстық-атқару жүйесі мекемелерінің аумағына іргелес жатқан

ш е к а р л а р д ы

а н ы қ т а у ;

босатылатын сотталғандардың еңбекке және тұрмыстық орналасуына жәрдемдесу бойынша жергілікті атқарушы органдардың қылмыстық-атқару жүйесі мекемелерімен өзара іс-қимыл жасауын үйлестіру;

қылмыстық жазасын өтеген адамдарға әлеуметтік және өзге де көмекті, оның ішінде мүгедектер мен зейнеткерлерді мүгедектер және қарттар үйлеріне орналастыруды ұйымдастыру;

түзеу мекемелері әкімшілігінің сотталғандардың шағымдары мен өтініштерін уақтылы және дұрыс шешуіне жәрдем көрсету;

жергілікті атқарушы органдар өкілдерінің түзеу мекемелері комиссиясының қызметіне қатысуы;

сотталғандарды ұстаудың коммуналдық-тұрмыстық және медициналық-санитарлық жағдайларын жақсартуға көмек көрсету;

түзеу мекемелерінде жалпы білім беретін және кәсіптік мектептерді ұйымдастыру.

5. Ауданның (облыстық және республикалық маңызы бар қаланың, астананың) жергілікті атқарушы органдары жанындағы консультативтік-кеңесші органның міндеттеріне, сондай-ақ мыналар жөніндегі ұсыныстарды қарау ж а т а д ы :

қылмыстық жазаны қолдану тәртібімен қоғамдық жұмыстарға тартылған адамдар үшін қоғамдық жұмыс объектілерін белгілеу бойынша жергілікті атқарушы органдардың жұмысын ұйымдастыру;

түзеу мекемелерінен босатылған, сондай-ақ қоғамнан оқшаулауға байланысты емес жазаны өтеп жүрген адамдарға еңбекке және тұрмыстық орналасуға және әлеуметтік және өзге де көмектің басқа түрлерін ұйымдастыруға жәрдем көрсету.

3. Консультативтік-кеңесші органның өкілеттіктері

6. Консультативтік-кеңесші орган құқылы:

1) мемлекеттік органдарға өз құзыретіне кіретін мәселелер бойынша ұ с ы н ы с т а р е н г і з у г е ;

2) мемлекеттік органдардан консультативтік-кеңесші органның міндеттерін іске асыру үшін қажетті ақпаратты, материалдарды сұратуға және алуға;

3) заңнамада белгіленген тәртіппен түзеу мекемелеріне, түзеу жұмыстарына сотталғандардың жұмыс орындарына, шартты түрде мерзімінен бұрын, шартты түрде босатылғандарға және бас бостандығынан айыруға байланысты емес жазалау шараларына сотталған басқа да адамдарға баруға;

4) сотталғандарды қабылдауды жүргізуге, олардың жеке істерімен танысуға,

олардан өз құзыретіне жататын шағымдар мен арыздарды қабылдауға және қ а р а у ғ а ;

5) қылмыстық-атқару жүйесі мекемелері мен аумақтық органдарының басшыларын, сондай-ақ жергілікті атқарушы органдардың басшыларын консультативтік-кеңесші органның құзыретіне кіретін мәселелер бойынша, бірақ бір жылда екі реттен көп емес тыңдауға.

4. Консультативтік-кеңесші органның жұмысын ұйымдастыру

7. Жергілікті атқарушы органдар жанындағы консультативтік-кеңесші орган жергілікті атқарушы органның қаулысымен құрылады.

8. Консультативтік-кеңесші органның құрамы денсаулық сақтау, жұмыспен камту, әлеуметтік бағдарламалар, мәдениет, білім беру, кәсіпкерлік, өнеркәсіп, жер қатынастары, дене шынықтыру және өзге де салаларда басқаруды және үйлестіруді жүзеге асыратын жергілікті атқарушы органдар басшыларының қатарынан қалыптастырылады.

9. Консультативтік-кеңесші органның құрамына лауазымы бойынша қылмыстық-атқару жүйесі аумақтық органының бастығы кіреді.

10. Консультативтік-кеңесші органның құрамына орталық атқарушы органдардың аумақтық бөлімшелерінің басшылары, сондай-ақ келісім бойынша прокуратура өкілдері, мәслихат депутаттары кіруі мүмкін.

11. Консультативтік-кеңесші органды жергілікті атқарушы орган басшысының орынбасары басқарады.

12. Консультативтік-кеңесші органның дербес құрамын жергілікті атқарушы орган айқындайды және мәслихат бекітеді.

13. Консультативтік-кеңесші органның отырыстары қажеттілігіне қарай, бірақ кемінде тоқсанына бір рет өткізіледі.

14. Консультативтік-кеңесші органның кезекті отырысының күн тәртібін, сондай-ақ оның өткізілетін орнын, уақытын, тәртібі мен мерзімін консультативтік-кеңесші органның басшысы белгілейді.

15. Консультативтік-кеңесші органның шешімдері ұсынымдық сипатта болады.